

## 每週經課朗誦經文(巴克禮台語漢字)2015/10/11

### 共同經課 - 1

#### 約伯記二十三章一節~九節、十六節~十七節

1 約伯應講：2 今我的哀怨算做悖逆；我所受的責罰卡重佇我的吐氣。3 願我會知對怎樣尋上帝，互我通到伊的座位，4 我欲排列案件佇伊的面前，我的嘴夠額通辯明。5 我也得著知伊應我的話，也明白伊對我所講的。6 伊豈欲用大權能及我計較嗎？的確無按呢！伊欲俯落聽我。7 佇遐正直者會及伊辯論；按呢，我欲永遠脫離審判我的。8 看啊，我進前去，伊無佇遐，我退後去，也無看見伊。9 佇倒旁伊實行代誌，我無看見伊，佇正旁伊踣密，我也無看見伊。16 因為上帝互我失膽；全能者互我栗栗慄。17 因為我的驚惶喙是為著黑暗，也喙是因為黑暗遮蓋我的面。

### 共同經課 - 2

#### 詩篇二十二篇一節~十五節

1 [大衛的詩，交互樂官。調用「早起時的鹿母」。] 我的上帝，我的上帝！啥事放離我？啥事離開遠遠無救我？喙聽我喉叫的話？2 我的上帝啊，我日時求叫，你無聽我，暝時求叫，我亦無靜靜。3 總是你是聖，你是用以色列的謳佬做座位者。4 阮的列祖倚靠你；in 倚靠你，你就拯救 in。5 in 哀求你，就得著拯救；in 倚靠你，就不致見謫。6 總是我是蟲口，喙是人，互人譏刺，互百姓看輕。7 凡若看見我的攏恥笑我；in 饒嘴搖頭，講：8 著將本身交代耶和華，伊通救伊！耶和華既然歡喜伊，伊通救伊！9 總是你是互我出老母的胎者；我佇老母的胸前，你互我倚靠你。10 我對胎裡出就交代你；對我出老母的腹肚，你是我的上帝。11 喙通離開我遠遠！因為患難迫近，無有幫助我的。12 有多多牛犛圍攏我，巴珊勇的牛四面圍困我。13 in 向我開嘴，親像啲擊拆，啲大聲哮的獅。14 我親像水傾出；我的骨攏脫輪；我的心親像蠟消溶佇腹內。15 我的精力枯焦，親像瓦片坯；我的舌粘佇我的上腭(kiu<sup>n</sup>)。你下我佇死地的土粉。

### 共同經課 - 3

#### 希伯來書四章十二節~十六節

12 因為上帝的道是活的，是有功效的，比一切雙面的劍卡利，凡若魂及神，骨節及骨髓，無喙刺入、破開，心內諸個念頭及主意亦無喙鑑察。13 閣所創造的佇伊的面前無一項蓋密；就是萬物掀開露出，佇審判咱者的目前。14 所以咱已經有大的祭司頭，上帝的子耶穌，經過許個天，就著執守所承認的。15 因為咱所有的祭司頭喙是袂會體貼咱攏總的軟弱。就是凡事平平有受試，若是無罪。16 所以，咱著好膽就近恩典的座位，通受憐憫，也得著恩典，做及時的幫助。

### 共同經課 - 4

#### 馬可福音十章十七節~三十一節

17 耶穌出去佇路裡，有一人走進前，來跪伊，問講：「好的先生啊，我著怎樣做才通承接永活？」18 耶穌給伊講：「你啥事稱呼我是好啊？無一個好，獨獨上帝若定。19 諸個誠你已經知：莫得劊死人；莫得姦淫；莫得偷提；莫得濫糝做干證；莫得剋虧人；著敬你的父母。」20 伊應講：「先生啊，諸個我對細漢攏守伊。」21 耶穌看伊，疼伊，就給伊講：「你猶欠一項：著去賣你凡所有的，來互喪鄉人，就欲有財寶佇天裡；閣來隨我。」22 伊聽此個話，面就失色，憂悶就去，因為伊產業真多。23 耶穌四界看，給伊的學生講：「富人入上帝的國攏(oh)啊！」24 學生奇怪伊的話。耶穌閣應講：「細子啊，倚靠錢財的人入上帝的國攏(oh)啊！」25 駱駝穿過針鼻比富人入上帝的國猶卡快。」26 學生益發印愕，給伊講：「按呢是誰會得著救啊？」27 耶穌看 in，講：「在人是袂會，在上帝就喙是按呢，因為在上帝萬事攏會。」28 彼得就給伊講：「阮曾放揀一切來隨你。」29 耶穌講：「我實在給恁講，無有人為著我及福音的緣故放揀厝宅、兄弟、姊妹、老母、老父、子兒、田園，30 就佇現時無得著百倍，就是厝宅、兄弟、姊妹、母親、子兒、田園，兼有窘逐，閣佇來世欲得著永活。31 總是，代先的多多，欲做路尾，路尾的，也欲做代先。」